



**СЛУЖЕБНИК
ДИАКОНА**

МИРНАЯ ЕКТЕНИЯ

Міром Гóсподу помóлимся.

О свѣ́шнем міре и спасѣнии душ на-ших, Гóсподу помóлимся.

О міре всегó міра, благостоя́нии свя-ты́х Бóжиих церквѣй и соединѣнии всех, Гóсподу помóлимся.

О святѣ́м хра́ме сем и с вѣрою, благоговѣ́нием и стра́хом Бóжиим входя́щих в онь, Гóсподу помóлимся.

О Вели́ком Господі́не и отцѣ́ нашем Святе́йшем Патриа́рхе Кири́лле, и о господі́не нашем (Высоко) преосвяще́ннейшем митрополі́те (или архиепі́скопе, или епі́скопе...), честне́м пресві́терстве, во Христѣ́ діа́констве, о всем прі́чте и лю́дех, Гóсподу помóлимся.

О Богохрані́мей странѣ́ нашей, влас-тѣ́х и во́инстве ея́, Гóсподу помóлимся.

О граде сем (о вѣси сей, или о святѣй обители сей), всяком граде, странѣ и вѣрою живущих в них, Господу помолимся.

О благорастворѣнии воздухов, о изобилии плодов земных и временех мирных, Господу помолимся.

О плавающих, путешествующих, недугующих, страждущих, плененных и о спасѣнии их, Господу помолимся.

О избавитися нам от всякия скорби, гнѣва и нужды, Господу помолимся.

Заступи, спаси, помилуй и сохрани нас, Боже, Твоею благодатию.

Пресвятую, пречистую, преблагословенную, славную Владычицу нашу Богородицу и Приснодѣву Марию со всеми святѣми помянувши, сами себѣ и друг друга, и весь живот наш Христу Богу предадим.

НА УТРЕНЕ: Бог Господь и явися нам, благословен Грядый во имя Господне.

Стих: Исповедайтесь Господеви, яко благ, яко в век милость Его.

Стих: Обышедше обыдоша мя и именем Господним противляхся им.

Стих: Не умру, но жив буду и повею дела Господня.

Стих: Камень, Егоже небрегоша зиждущии, Сей бысть во главу угла, от Господа бысть Сей и есть дивен во очесех наших.

АЛЛИЛУИЯ во глас:

Стих: От нощи утренюет дух мой к Тебе, Боже, зане свет повеления Твоя на земли.

Стих: Правде научитесь, живущии на земли.

Стих: Зависть примет люди ненаказанныя.

Стих 4: Приложу им зла, Господи, приложу зла славным земли.

ПРОКИМНЫ ВЕЧЕРНИ:

В неделю вечера, глас 8:

Се ны́не благосло́вите Го́спода, /
все раба́и Госпо́дни.

Стих: Стоя́щи в хра́ме Госпо́дни,
во дво́рех до́му Бо́га на́шего.

В понедельник вечера, глас 4:

Госпо́дь услы́шит мя, /
внегда́ воззва́ти ми к Нему́.

Стих: Внегда́ призва́ти ми, услы́ша
мя Бог пра́вды моея́.

Во вторник вечера, глас 1:

Ми́лость Твоя́, Го́споди, /
поженёт мя вся дни живо́та моего́.

Стих: Госпо́дь пасёт мя, и ничто́же мя
лиши́т, на ме́сте зла́чне, та́мо всели́
мя.

В среду вечера, глас 5:

Бо́же, во и́мя Твое́ спаси́ мя, /
и в си́ле Твое́й суди́ ми.

Стих: Бо́же, услы́ши моли́тву мою́,
внуши́ глаго́лы уст мои́х.

В четверток вечера, глас 6:

Помощь моя от Господа, /
сотворшаго небо и землю.

Стих: Возведох очи мой в горы,
отнюдуже придет помощь моя.

В пяток вечера, глас 7:

Боже, заступник мой еси Ты, /
и милость Твоя предварит мя.

Стих: Изми мя от враг моих, Боже,
и от востающих на мя избави мя.

В субботу вечера, глас 6:

Господь воцарися, /
в лепоту облечеса.

Стих: Облечеса Господь в силу
и препоясая.

Стих: Ибо утверди вселенную,
яже не подвижится.

Стих: Дому Твоему подобает
святыня, Господи, в долготу дней.

НА ВЕЧЕРНЕ:

РЦЕМ ВСИ от всея душі, и от всего помышления нашего рцем.

Гóсподи Вседержителю, Бóже отéц наших, мóлим Ти ся, услыши и помíлуй.

НА УТРЕННЕ:

ПОМÍЛУЙ нас, Бóже, по велицей мíлости Твоей, мóлим Ти ся, услыши и помíлуй.

Ещё мóлимся о Великом Господíне и отце нашем Святéйшем Патриárхе Кирилле, и о господíне нашем (Высоко)преосвящённейшем митрополíte (или архиепíскопе, или епíскопе...), и о всей во Христé братии нашей.

Ещё мóлимся о Богохранímей странé нашей, властéх и вóинстве ея, да тíхое и безмóлвное житиé проживём во всяком благочéстии и чистотé.

Ещё мо́лимся о блаже́нных и приснопа́мятных создáтелях свята́го хра́ма сего́ (во обители: святы́я обители сея́), и о всех преждепочивших отцех и брáтиях, зде лежа́щих и повсю́ду, правосла́вных.

Ещё мо́лимся о мило́сти, жи́зни, ми́ре, здра́вии, спасе́нии, посеще́нии, прощ́ении и оставле́нии грехо́в рабо́в Бо́жиих, брáтии свята́го хра́ма сего́ (аще во обители: святы́я обители сея́).

Ещё мо́лимся о плодонося́щих и добродёющих во святём и всечестнём хра́ме сем, тружда́ющихся, пою́щих и предстоя́щих лю́дех, ожида́ющих от Тебе́ вели́кия и богáтыя мило́сти.

ИСПО́ЛНИМ ВЕЧЕ́РНЮЮ (У́ТРЕННЮЮ) моли́тву на́шу Го́сподеви.

Заступи́, спаси́, помилуй и сохрани́ нас, Бо́же, Твоёю благода́тию.

Вéчера (Дне) всего совершенна, свята, мiрна и безгрéшна у Гóспода прóсим.

А́нгела мiрна, вёрна наставника, хранителя душ и телес наших у Гóспода прóсим.

Прощéния и оставлénия грехов и прегрешéний наших у Гóспода прóсим.

Дóбрых и полéзных душам нашим, и мiра мiрови у Гóспода прóсим.

Прóчее врéмя животá нашего в мiре и покаянии скончати у Гóспода прóсим.

Христиа́нския кончыны животá нашего, безболéзнены, непосты́дны, мiрны и дóбраго отвéта на стра́шнем суди́щи Христóве прóсим.

Пресвятúю, пречистую, преблагословенную, сла́вную Влады́чицу нашу Богорóдицу и Приснодéву Мари́ю со все́ми свята́ми помяну́вше, са́ми себе́ и друг дру́га, и весь живóт наш Христú́ Бо́гу преда́дим.

Главы наша господеви приклоним.

ЛИТИЯ

СПАСИ́, БО́ЖЕ, лю́ди Тво́я и благосло-
ви́ досто́яние Твоё, посети́ ми́р Твой
ми́лостью и щедро́тами, возвы́си рог
христиа́н правосла́вных и низпосли́ на
ны ми́лости Тво́я богáтыя, моли́твами
всепречи́стыя Влады́чицы на́шей Бого-
ро́дицы и Присноде́вы Мари́и, си́лою
Честна́го и Животворя́щаго Креста́,
предста́тельства честны́х Небе́сных
Си́л безплóтных, честна́го, сла́вного
проро́ка, Предте́чи и Крестите́ля Иоáн-
на, святы́х сла́вных и всехва́льных
Апо́стол, и́же во святы́х оте́ц на́ших и
вселёнских вели́ких учи́телей и святы́-
телей, Васи́лия Вели́каго, Григо́рия
Богосло́ва и Иоáнна Златоу́стаго, и́же
во святы́х отца́ на́шего Никола́я, архи-
е́пископа Мирлики́йскаго, чудотво́рца,
святы́х равноапóстольных Мефо́дия и
Кири́лла, учи́телей словёнских, святы́х
равноапóстольных вели́каго кня́зя

Владими́ра и вели́кия княги́ни О́льги, и́же во святы́х о́тец на́ших святителя́ Михаи́ла, первого митрополита Киевского; первосвятителей Московских и всея Руси Петра́, Алекси́я, Ио́ны, Мака́рия, Фили́ппа, Йо́ва, Еρμοге́на, Филаре́та, Иннокенти́я и Ти́хона, святы́х, сла́вных и добропобѣдных мучеников, новомучеников и исповѣдников Цѣркве Ру́сския, преподо́бных и богоносных о́тец на́ших, святы́х и пра́ведных богоо́тец Иоакима́ и А́нны (святы́х, ихже́ есть храм и есть день), и всех святы́х. Мо́лим Тя́, многомилостиве Го́споди, услы́ши нас, грѣшных, моля́щихся Тебе́, и помилуй нас.

ЕЩЕ́ МО́ЛИМСЯ о Вели́ком Госпо́дине и о́тец на́шем Святе́йшем Патриархе Кири́лле, и о госпо́дине на́шем (Высо́ко)преосвяще́ннейшем митрополите́ (архиепи́скопе) (и о архи-мандрите́, или игу́мене на́шем)

и о всем во Христѣ братствѣ нашем, и о всякой душѣ христіанстей, скорбящей же и озлобленной, милости Божия и помощи требующей; о покровѣнии града сего, и живущих в нем (вѣси сея и живущих в ней, святѣя обители сея и живущих в ней); о мирѣ, и состояннн всего міра; о благостояннн святыхъ Божиихъ церквей; о спасеннн и помощи со тщаннн и страхомъ Божиимъ труждающихся и служащихъ отецъ и братьевъ нашихъ; о оставльшихся и во отшествнн сущихъ; о исцеленнн в немощехъ лежащихъ; о успеннн, ослабе, блаженнн памати и о оставленнн греховъ всехъ преждеотшедшихъ отецъ и братьевъ нашихъ, зде лежащихъ и повсюду православныхъ; о избавленнн плененныхъ, и о братьяхъ нашихъ во службахъ сущихъ, и о всехъ служащихъ и служившихъ во святемъ храмѣ сем

(аще же во обители: во святѣй обители сей) рцем.

ЕЩЕ МОЛИМСЯ о еже сохранитися граду сему (веси сей), и святому храму сему (во обители: святѣй обители сей), и всякому граду и странѣ, от глѣда, губительства, труса, потѣпа, огня, мечѣ, нашѣствия иноплемѣнников и междоусѣбныя брани; о еже милостиву и благоувѣтливу быти благому и человеколюбивому Богу нашему, отвратити всякий гнев на ны движимый, и избавити ны от належѣщаго и праведнаго Своего прещѣния и помилвати ны.

ЕЩЕ МОЛИМСЯ и о еже услышати Господу Богу глас молѣния нас, грѣшных, и помилвати нас.

Главы наша Господеви приклоним.

ПРОКИМНЫ ВОСКРЕСНЫ:

Глас 1:

Ны́не воскресну́, глаго́лет Господь, /
положу́ся во Спасе́ние, не обиню́ся
о нем.

Стих: Словеса́ Господня, словеса́
чи́ста.

Глас 2:

Воста́ни, Го́споди, Бо́же мой,
повеле́нием, и́мже запове́дал еси́, /
и сонм люде́й обы́дет Тя.

Стих: Го́споди Бо́же мой, на Тя
упова́х, спаси́ мя.

Глас 3:

Рцы́те во язы́цах, я́ко Господь
воцари́ся / и́бо испра́ви вселенную,
я́же не подви́жится.

Стих: Воспо́йте Го́сподеви песнь
но́ву, воспо́йте Го́сподеви вся земля́.

Глас 4:

Воскресні, Гóсподи, помозі нам /
и избáви нас імене Твоєго́ раді.

Стих: Бóже, уші́ма на́шими
услы́шахом, и отцы́ на́ши возвести́ша
нам.

Глас 5:

Воскресні, Гóсподи Бóже мой, да
вознесéтся рука́ Тво́я, /
я́ко Ты ца́рствуєши во ве́ки.

Стих: Испове́мся Тебе́, Гóсподи, всем
се́рдцем мо́им, пове́м вся чудеса́
Тво́я.

Глас 6:

Гóсподи, воздві́гни сі́лу Тво́ю, /
и прииді́ во е́же спасти́ нас.

Стих: Пасы́й Изра́иля вонмі́,
наставля́яй я́ко овча́ Ио́сифа.

Глас 7:

Воскресни́, Го́споди Бо́же мой, да
вознесётся рука́ Твоя́, /
не забуди́ убо́гих Твои́х до конца́.

Стих: Испове́мся Тебе́, Го́споди, всем
се́рдцем мои́м, пове́м вся чудеса́
Твоя́.

Глас 8:

Воцари́тся Госпо́дь во век, /
Бог твой Сио́не, в род и род.

Стих: Хвали́ душе́ моя́ Го́спода,
восхваляю́ Го́спода в животе́ моём.

ВСТРЕЧА АРХИЕРЕЯ

Премудрость.

Достойно есть яко воистинну блажити Тя, Богородицу, Присноблаженную и Пренепорочную и Матерь Бога нашего. Честнейшую Херувим и славнейшую без сравнения Серафим, без истления Бога Слова рождшую, сущую Богородицу Тя величаем.

Слава, и ныне:

Господи, помилуй *трижды*
(Высоко)преосвященнейший Владыко, благослови.

Во дни Святой Пасхи:

Светися, светися, новый Иерусалиме: слава бо Господня на тебе возсия. Ликуй ныне и веселися, Сионе. Ты же, Чистая, красуйся, Богородице, о востании Рождества Твоего.

Ис полла эти деспота, *трижды*.

ВХОДНЫЕ

Благослові, ((Высо́ко)преосвященнейший) Влады́ко...

Ами́нь.

Сла́ва Тебе́ Бо́же наш, сла́ва Тебе́!

Царю́ Небе́сный, Уте́шителю, Ду́ше истины, И́же вездé сый и вся исполня́яй, Сокро́вище благі́х и жи́зни Подáтелю, прииди́ и всели́ся в ны, и очисти ны от всякія сквѣрны, и спаси́, Бла́же, ду́ши на́ша.

Святы́й Бо́же, Святы́й Кре́пкий, Святы́й Безсме́ртный, помилуй нас *трижды*

Сла́ва Отцу́ и Сы́ну и Свято́му Ду́ху, и ны́не и прісно и во ве́ки веко́в. Ами́нь.

Пресвята́я Тро́ице, помилуй нас; Го́споди, очисти грехи́ на́ша; Влады́ко, прости́ беззаконія на́ша; Святы́й, посети́ и исцели́ немо́щи на́ша, имене Твоего́ ра́ди.

Го́споди, помилуй, *трижды.*

Сла́ва, и ны́не:

Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго...

Помилуй нас, Господи, помилуй нас; всякаго бо ответа недоумюще, сию Ти молитву яко Владыце, грешнии приносим: помилуй нас.

Слава: Господи, помилуй нас, на Тя бо уповахом; не прогневайся на ны зело, ниже помяни беззаконий наших, но призри и ныне яко благоутробен, и избави ны от враг наших; Ты бо еси Бог наш, и мы люди Твои, вси дела рук Твоих, и имя Твое призываем.

И ныне: Милосѣрдия двѣри отвѣрзи нам, благословѣнная Богородице, надѣющіися на Тя да не погѣбнем, но да избавимся Тобою от бед: Ты бо еси спасѣние рѣда христіанскаго.

Пречістому образу Твоему поклоняемся, Благій, просяще прощѣнія прегрешѣний наших, Христѣ Бѣже: волею бо благоволил еси плѣтию взѣти на Крест, да избавиши яже создал еси от работы вражия. Тем благодарственно вопіем Ти: радости исполнил еси вся, Спасе наш, пришедый спасти мир.

Милосѣрдия сущи источник, милости сподоби нас Богородице, прѣзри на люди согрѣшившия, яви яко прѣсно силу Твою: на Тя бо уповающе, радуйся вопіем Ти, якоже иногда Гавриіл безплѣтных архистратіг.

Вни́ду в дом Твой, поклоню́ся ко хра́му свято́му Твоему́, в стра́се Твоем. Го́споди, наста́ви мя пра́вдою Твоею, враг мо́их ра́ди испра́ви пред Тобо́ю путь мой. Я́ко несть во устéх их и́стины, се́рдце их сýетно, гроб отве́рст гортáнь их: язы́ки сво́ими льща́ху. Судí им, Бо́же, да отпаду́т от мы́слей сво́их, по мно́жеству нечéстия их изрíни я́, я́ко преогорчи́ша Тя, Го́споди. И да возвеселя́тся вси упова́ющи на Тя, во век возра́дуются, и вселíшися в них, и похва́лятся о Тебе́ любя́щи и́мя Твое́. Я́ко Ты благослови́ши пра́ведника, Го́споди: я́ко ору́жием благово́ления венча́л еси́ нас.

ВХОДНЫЕ ВО ДНИ СВЯТОЙ ПАСХИ:

Христос воскрес... трижды

Предварившия утро яже о Маріи, и обрѣтшия камень отвáлен от грóба, слы́шаху от А́нгела: во свѣте присносу́щем Су́щаго, с мѣртвыми что и́щите яко челове́ка? вѣдите гробны́я пелены́, тецýте и мѣру проповѣдите, яко востá Господь, умертвѣвый смерть, яко есть Сын Бóга, спасающаго род челове́ческий.

Аще и во гроб снизшѣл еси́, Безсмѣртне, но áдову разрушил еси́ силу, и воскрѣсл еси́, яко Победитель, Христѣ́ Бóже, жена́м мирно́сицам вещáвый: ра́дуйтесь! И Твоѣ́м апóстолом мир да́руяй, па́дшим пода́й воскресѣние.

Во грóбе плóтски, во áде же с душѣю, яко Бог, в рай же с разбóйником, и на престóле был еси́, Христѣ́, со Отцѣ́м и Дýхом, вся исполня́яй, Неопѣ́санный.

Слáва Отцú и Сы́ну и Свято́му Дýху.

Яко живонóсец, яко ра́я красне́йший, во́истину и черто́га всякаго ца́рскаго

показáся светлѣйший, Христѣ, гроб
Твой, истóчник нáшего воскресѣния.

И ны́не, и прѣсно и во вѣки векóв, амѣнь
Вы́шняго освящѣнное Божѣственное
селѣние, рáдуйся: Тобóю бо дадѣся
рáдость, Богорóдице, зовúщим: бла-
гословѣна Ты в женáх есѣ, Всенепо-
рóчная Влады́чице.

Пречѣистому óбразу Твоему...

*От Антипасхи до отдания
Пасхи: Христос воскрес (3)
Трисвятое по «Отче наш...»
далее — обычный порядок.*

ОБЛАЧЕНИЕ АРХИЕЕРЕЯ

*Когда сняли мантию, Прото и 1 диа-
коны, поклонившись перед Царскими
вратами:*

Благослови (Высоко)преосвященней-
ший владыко кадило.

1д.: Гóсподу помóлимся —

на каждый предмет облачения

Подсакосник (стихарь)

Да возрадуется душа твоя о Господе; облечé бо ты в ризу спасения и одеждою веселия одéя ты, яко жениху возложí ти венец и яко невесту украсí ты красотою.

Епитрахиль

Благословен Бог, изливáяй благодать Свою на архиереи Своя, яко миро на главé, сходящее на брадú, брадú Аарóню, сходящее на омéты одежды его.

Пояс

Благословен Бог, препоясúяй ты силу, и положít непорочен путь твой, совершáяй нóзе твои яко елэни, и на высоких поставляяй ты.

Палица

Препоясúйся оружием твоим по бедре твоем, сильне, красотою твоею, и

добротою твоею, и наляцы, и успевай,
и царствуй истины ради, и кротости, и
правды, и наставит тя дивно десница
твоя, всегда, ныне и присно, и во веки
веков. Аминь

Поручи (прав.)

Десница Твоя, Господи, прославися
в крепости, десная Твоя рука, Господи,
сокруши враги, и множеством славы
Твоей стерл еси супостаты.

(лев.)

Руце Господни сотвориша тя и
создаша тя, вразуми тя, и научишия
заповедем Его.

Сакос

Архиереи Твои, Господи, облекутся
в правду, и преподобнии Твои радостно
возрадуются всегда, ныне и присно,
и во веки веков. Аминь

Омофор

На рамах, Христе, заблудшее взяв
естество, вознеслся еси, Богу и Отцу
привел еси, всегда, ныне и присно, и во
веки веков. Аминь

Крест

Аще кто хочет последовати мне, да
отвержется себе, рече Господь и
возмет крест свой и последует Мне,
всегда, ныне и присно, и во веки веков.
Аминь

Панагия

Сердце чисто созиждет в тебе Бог,
и дух прав обновит во утробе твоей,
всегда, ныне и присно, и во веки веков.
Аминь

Митра

Положи Господь на главу твою венец
от камней драгих, живота просил еси,
и даст ти долготу дний, всегда, ныне и
присно, и во веки веков. Аминь

Дикий, трикий

1д.: Господу помолимся (велиим гласом)

Тако да просветится свет твой пред человеки, яко да видят добрая дела твоя и прославят Отца нашего, Иже есть на Небесех, всегда, ныне и присно и во веки веков. Аминь

кадят архиерея 3х3, кланяются пред Царскими вр.; если часы — позади архиерея; если литургия — в ряд.

МИРНАЯ...

Умью в неповинных рúце мои и обýду жертвенник Твой, Господи, ёже услышати ми глас хвалы Твоея и повёдати вся чудеса Твоя. Господи, возлюбих благолепие дóму Твоего и место селения славы Твоея. Да не погубиши с нечестивыми душу мою и с мужи кровей живота моего: ихже в руках беззакония, десница их исполнятся мзды. Аз же незлóбием моим ходих: избáви мя, Господи, и помíлуй мя. Нога моя ста на правотé, в цёрквах благословлю Тя, Господи.

Чтение Апостола

Протод. у горнего места, слева от св. прест.:

Троицы явление во Иордане бысть, Само бо Пребожественное естество Отец возгласи: Сей крещаемый Сын Возлюбленный Мой; Дух же прииде к Подобному, Егоже благословят людие и превозносят во вся веки

СУГУБАЯ

Рцем вси от всея души, и от всего помышления нашего рцем.

Господи Вседержителю, Боже отец наших, молим Ти ся, услыши и помилуй.

Помилуй нас, Боже, по велицей милости Твоей, молим Ти ся, услыши и помилуй.

Еще молимся о Великом Господине и отце нашем, Святейшем Патриархе Кирилле, и о господине нашем (Высоко)преосвященнейшем митрополите

(архиепíскопе, или епíскопе...),

и о всей во Христé брáтии нáшей.

Ещё мо́лимся о Богохранíмей странé нáшей, властéх и во́инстве ея́, да т́хое и безмо́льное житиé поживём во вся́ком благочéстии и чистотé.

Ещё мо́лимся о брáтиях нáших, священни́цах, священномона́сах, и всем во Христé брáтстве нáшем.

Ещё мо́лимся о блаже́нных и приснопа́мятных святéйших патриáрсех правосла́вных и создáтелех свята́го хра́ма сего́ (аще во обители: святýя обíтели сея́), и о всех прéжде почíвших отцéх и брáтиях, zde лежа́щих и повсю́ду, правосла́вных.

Ещё мо́лимся о мíлости, жíзни, мíре, здра́вии, спасéнии, посещéнии, прощéнии и оставлéнии грехóв рабо́в Бо́жиих, брáтии свята́го хра́ма сего́ (аще во обители: святýя обíтели сея́).

Ещё молимся о плодоносящих и добродёющих во святем и всечестнем храме сем, труждающихся, поющих и предстоящих людем, ожидающих от Тебе великия и богатыя милости.

ЗАУПОКОЙНАЯ

Помилуй нас, Бóже, по велицей милости Твоей, молим Ти ся, услыши и помилуй.

Ещё молимся о упокоении душ усопших рабóв Бóжиих (*имярек*), и о ёже простится им всякому прегрешению, вольному же и невольному.

Яко да Госпóдь Бог учинит дýши их, идёже праведнии упокоятся.

Милости Бóжия, Цáрства Небéснаго и оставления грехóв их у Христа, безсмёртнаго Царя и Бóга нашего, прóсим.

Гóсподу помóлимся.

ОБ ОГЛАШЕННЫХ

Помолі́тесь, оглаше́ннии, Го́сподеви.

Ве́рнии, о оглаше́нных помóлимся, да Го́сподь помíлуе́т их.

Огласíт их сло́вом істины.

Откры́ет им Ева́нгелие пра́вды.

Соединíт их святе́й Своёй собо́рней и апо́стольстей Це́ркви.

Спасí, помíлуй, заступí и сохрани́ их, Бо́же, Твоёю благода́тию.

Оглаше́ннии, главы ва́ша Го́сподеви приклонíте.

Елі́цы оглаше́ннии, изыдíte!

Оглаше́ннии изыдíte! Елі́цы

оглаше́ннии изыдíte!

Да ни кто от оглаше́нных, елі́цы ве́рнии, па́ки и па́ки міром Го́споду помóлимся.

Заступí, спасí, помíлуй и сохрани́ нас, Бо́же, Твоёю благода́тию.

Премúдрость.

Па́ки и па́ки, міром Го́споду помóлимся.

О свѣ́шнем міре и спасѣнии душ на́ших, Го́споду помóлимся.

О міре всегó міра, благостоя́нии свѣ́тых Бо́жиих церквѣй и соединѣнии всех, Го́споду помóлимся.

О свѣ́тѣм хра́ме сем и с вѣрою, благоговѣ́нием и стра́хом Бо́жиим входѣщих в о́нь, Го́споду помóлимся.

О избáвители нам от всѣ́кя скóрби, гнѣ́ва и ну́жды, Го́споду помóлимся.

Заступи́, спаси́, помилуй и сохрани́ нас, Бо́же, Твоѣю благода́тию.

Премудро́сть.

МИТРА

1. После «Яко да Царя...» протод. снимает митру и полагает на престол. Надевает после каждения и покровения воздуха перед каждением архиереем Св. Даров.

Арх: Братие и сослужителие помолитесь о мне

Прот: Дух Святый найдет на тя, и Сила Вышняго осенит тя.

Арх: Той же Дух Святый...

Прот: Помолися о нас (Высоко)-преосвященнейший Владыко...

2. После «Волюбим друг друга...» протод. снимает митру; после Символа веры арх. Целует крест на воздухе, протод. надевает митру.

3. После «Победную песнь...» арх.: даде святым Своим учеником и апостолам рек; протод. снимает митру, ипод. надевают омофор. После «о всяком душе праведнем в вере скончавшемся» — протод. надевает митру.

4. После ухода проповедующего свящ., протод. снимает митру.

ИСПОЛНИМ

Испóлним моли́тву на́шу Го́сподеви.

О предложѣнных Честныхъ Дарѣхъ,
Го́споду помóлимся.

О святѣм хра́ме сем, и с вѣрою, благоговѣнием и страхомъ Бóжиимъ входящихъ в онь, Го́споду помóлимся.

О избáвительнѣ намъ отъ всякѣи скóрби, гнѣва и нúжды, Го́споду помóлимся.

Заступи́, спаси́, помилуй и сохрани́ насъ,
Бóже, Твоѣю благодáтию.

Дне всего́ совершѣнна, свѣта, мирна и безгрѣшна, у Го́спода прóсимъ.

А́нгела мирна, вѣрна наставника, хранителя душъ и телѣс нашихъ, у Го́спода прóсимъ.

Прощѣния и оставлѣния грехóв и прегрѣшѣний нашихъ, у Го́спода прóсимъ.

Дóбрыхъ и полѣзныхъ душáмъ нашимъ, и мíра мíрови, у Го́спода прóсимъ.

Прóчее вре́мя живота́ на́шего в ми́ре и покая́нии сконча́ти, у Го́спода про́сим.

Христиа́нския конча́ны живота́ на́шего, безболéзненны, непосты́дны, ми́рны и до́браго отве́та на стра́шнем суди́щи Христóве про́сим.

Пресвяту́ю, пречи́стую, преблагосло́венную, сла́вную Влады́чицу на́шу Богоро́дицу и Присноде́ву Мари́ю со все́ми святы́ми помяну́вше, са́ми себé и друг дру́га, и весь живóт наш Христú Бо́гу преда́дим.

Возлю́бим друг дру́га, да единомы́слием испове́мы.

диаконы целуют кийждо орарь свой, идеже Креста образ, и друг друга в рамена, глаголюще:

Возлюблю́ Тя, Го́споди, крéпосте моя́, Госпо́дь утвержде́ние моé и прибе́жище моé. (*трижды*).

Двэ́ри, двэ́ри, премúдростию вóннем.

ВЕРУЮ...

Стáнем дóбре, стáнем со стрáхом, вóнмем, святóе возношéние в мíре приносíти.

ВЫКЛИЧКА

При окончании “Достойно есть...” протод. целует престол, руку арх., становится лицом на запад в Царских вратах и, наводя правую рукой с орарем:

И всех и вся.

Хор, арх., 1 свящ.: «...право правяща слово Твоя истины”. Протодиакон в царских вратах лицом к народу:

Господина нашего, (Высоко)Преосвященнейшаго (*имя рек*), митрополита (архиепископа, епископа) егоже епархия; (*или: Преосвященных по именам и с титулами, если несколько архиереев*), **приносящаго** (*или: приносящих*) (*поворачивается и входит в алтарь*) **Святыя Дары сия'** (*указует на дискос и чашу*) **Господеви Богу нашему**

(подходит к горнему месту, крестится, делает поклон и, поклонившись архиерею, идет и становится в Ц Вр. лицом к нар.);

о Великом Господине и Отце нашем Святейшем Патриархе Московском и всея Руси Кирилле, о Преосвященных митрополитах, архиепископах и епископах и о всем священническом и иноческом чине, о Богохранимой стране нашей, о властях и воинстве ея, о мире всего мира, о благостоянии Святых Божиих Церквей, о спасении и помощи со тщанием и страхом Божиим труждающихся и служащих, о исцелении в немощех лежащих, о успении, ослабе, блаженной памяти и оставлении грехов всех прежде почивших православных, о спасении людей предстоящих и ихже кийждо в помышлении имать и о всех и за вся.

*Проводит орарем слева направо,
идет к Горнему месту, крестится,
1 поклон, идет к арх., целует руку
его, говоря:*

Ис полла эти деспота.

ВСЯ СВЯТЫЯ

Вся святѣя помянѣвше, пѣки и пѣки
мѣром Гѣсподу помѣлимся.

О принесѣнных и освящѣнных Честнѣх
Дарѣх, Гѣсподу помѣлимся.

Яко да человеколѣбец Бог наш, приѣм
я во святѣй и пренебѣсный и
мѣсленный Свой жѣртвенник, в вонѣ
благоухѣния духѣвнаго, возниспѣлет
нам Божѣственную благодѣть и дар
Святѣго Дѣха, помѣлимся.

О избѣвитися нам от всѣкия скѣрби,
гнѣва и нѣжды, Гѣсподу помѣлимся.

Заступѣ, спасѣ, помѣлуй и сохрани нас,
Бѣже, Твоѣю благодѣтию.

Дне всего́ соверше́нна, свя́та, ми́рна и безгре́шна, у Го́спода про́сим.

А́нгела ми́рна, ве́рна наста́вника, храните́ля душ и теле́с на́ших, у Го́спода про́сим.

Проще́ния и оставле́ния грехо́в и прегреше́ний на́ших, у Го́спода про́сим.

До́брых и поле́зных душáм нашим, и ми́ра ми́рови, у Го́спода про́сим.

Про́чее вре́мя живото́а на́шего в ми́ре и пока́янии сконча́ти, у Го́спода про́сим.

Христиа́нския кончи́ны живото́а на́шего, безболе́зненны, непосты́дны, ми́рны, и до́браго отве́та на стра́шнем суди́щи Христóве про́сим.

Соедине́ние ве́ры и причáстие Свята́го Ду́ха испроси́вше, са́ми себе́, и друг дру́га, и весь живо́т наш Христú Бо́гу преда́дим.

Главы́ ва́ша Го́сподеви **приклоните́.**

ПО ПРИЧАЩЕНИИ:

На литургии св. ИОАННА ЗЛАТОУСТА:

Благодарим Тя, Владыко человеколюбче, Благодетелю душ наших, яко и в настоящий день сподобил еси нас небесных Твоих и безсмертных Таинств. Исправи наш путь, утверди ны во страхе Твоем вся, соблюди наш живот, утверди наша стопы, молитвами и молениями славная Богородицы и Приснодевы Марии, и всех святых Твоих.

На литургии св. ВАСИЛИЯ ВЕЛИКОГО:

Благодарим Тя, Господи Боже наш, о причащении святых пречистых, безсмертных и небесных Твоих Таин, ихже дал еси нам во благодеяние, и освящение, и исцеление душ и телес наших. Сам, Владыко всех, даждь быти нам причастию святого Тела и Крове

Христа́ Твоего́ в ве́ру непосты́дну, в
любо́вь нелицеме́рну, в преумно-
же́ние премы́дрости, во исцеле́ние
души́ и те́ла, во отгна́ние всякаго
сопроти́внаго, в снабде́ние за́поведей
Твои́х, во отве́т благоприя́тен, и́же на
стра́шнем суди́щи Христа́ Твоего́.

Воскресе́ние Христо́во ви́девше,
поклони́мся Свято́му Го́споду Иису́су,
еди́ному безгре́шному, Кресту́ Твоему́
покланя́емся, Христэ́, и свято́е
Воскресе́ние Твое́ поём и сла́вим: Ты
бо еси́ Бог наш, ра́зве Тебе́ ино́го не
зна́ем, и́мя Твое́ имену́ем. Прииди́те
все ве́рнии, поклони́мся Свято́му
Христо́ву Воскресе́нию: се бо при́де
Крестомъ ра́дость всему́ ми́ру. Всегда́
благословя́ще Го́спода, поём Воскре-
се́ние Его́: распя́тие бо претерпе́в,
сме́ртию сме́рть разруши́.

Светіся, светіся, но́вый Иерусали́ме:
сла́ва бо Госпо́дня на тебѣ возсія.
Ликуй ны́не и веселіся, Сио́не. Ты же,
Чи́стая, красуйся, Богоро́дице, о
воста́нии Рожде́ства Твоего́.

О Па́сха ве́лия и священнейшая,
Христé! О му́дросте, и Сло́ве Бо́жий, и
си́ло! Подава́й нам и́стее Тебе́ прича-
ща́тися, в невечéрнем дни Ца́рствия
Твоего́.

На погружение частиц

Отмы́й, Го́споди, грехи́ поминáв-
шихся здé Кро́вию Твое́ю Честно́ю,
моли́твами святы́х Твои́х.

Прóсти при́ймше Божéственных, свя-
ты́х, пречи́стых, безсмéртных, небéс-
ных и животворя́щих, стра́шных Хрис-
то́вых Та́ин, досто́йно благодарим
Го́спода.

Заступи́, спаси́, помилуй и сохрани́ нас,
Бо́же, Твое́ю благодáтию.

День весь совершён, свят, мирен и безгрёшен испросívше, сáми себé и друг дрúга, и весь живóт наш Христú Бóгу предадím.

МОЛИТВЫ НА РАЗОБЛАЧЕНИЕ АРХИЕРЕЯ

Ныне отпускаеши раба Твоего, Владыко, по глаголу Твоему с миром: яко видеста очи мои спасение Твое, еже еси уготовал пред лицом всех людей, Свет во откровение языков, и славу людей Твоих Израиля.

Трисвятое; Слава и ныне;

Пресвятая Троице, помилуй нас, Господи, очисти грехи наша, Владыко, прости беззакония наша, Святый, посети и исцели немощи наша, имене Твоего ради.

Господи, помилуй. (3).

Слава, и ныне.

Отче наш...

ЗЛАТОУСТА: Уст тво́их, я́коже свѣт-
лость огнѧ, возсиявши благодѧть,
вселѣнную просвети́; не сребролю́бия
мíрови сокровища сниска́, высотú нам
смиреномúдрія показá, но тво́ими
словесы́ наказу́я, о́тче Иоáнне Злато-
у́сте, моли́ Сло́ва Христá Бóга спасти́ся
душáм нáшим.

Слава; От Небѣс прия́л еси́ Божѣствен-
ную благодѧть, и тво́ими устнáми вся
учи́ши поклоня́тися в Трóице Еди́ному
Бóгу, Иоáнне Златоу́сте всеблаже́нне,
преподóбне, достóйно хва́лим тя: еси́
бо наста́вник, я́ко Божѣственная явля́я.

ВАСИЛИЯ ВЕЛИКОГО: Во всю зѣмлю
изы́де вещáние твоѣ, я́ко приѣмшую
сло́во твоѣ, имже боголѣпно научи́л
еси́, естество́ сýщих уясни́л еси́, чело-
вѣческія обы́чаи украси́л еси́, ца́рское
свяще́ние, о́тче преподóбне, моли́
Христá Бóга, спасти́ся душáм нáшим.

Слава; Явілся есі основаніе непоколебимое Цёркве, подая всем некрадомое господство человеком, запечатляя твоими веленьми, небоявленне Васілие преподобне.

И ныне;

Предстательство христиан непостыдное, ходатайство ко Творцу непреложное, не презри грешных молений гласы, но предвари, яко Благая, на помощь нас, верно зовущих Ти: ускори на молитву и потщися на умоление, предстательствующи присно, Богородице, чтущих Тя.

Господи, помилуй, 12.

Честнейшую...

Слава, и ныне:

((Высоко)преосвященнейший Владыко,) **благослови.**

ПРЕЖДЕОСВЯЩЕННЫХ ДАРОВ

Рцем всѣ от всея души, и от всего помышления нашего рцем.

Господи Вседержителю, Боже отец наших, молим Ти ся, услыши и помилуй.

Помилуй нас, Боже, по велицей милости Твоей, молим Ти ся, услыши и помилуй.

Еще молимся о Великом Господине и отце нашем, Святейшем Патриархе Кирилле, и о господине нашем (Высоко)преосвященнейшем митрополите (архиепископе, или епископе...), и о всей во Христе братии нашей.

Еще молимся о Богохранимой стране нашей, властях и воинстве ея, да тихое и безмолвное житие поживем во всяком благочестии и чистоте.

Ещё мо́лимся о бр́атиях на́ших, свяще́нницах, священномона́сах, и всем во Христе́ бр́атстве на́шем.

Ещё мо́лимся о блаже́нных и приснопáмятных святе́йших патриáрсех правосла́вных и создáтелей свята́го хра́ма сего́ (аще во обители: святы́я обители сея́), и о всех прё́жде почи́вших отце́х и бр́атиях, zde лежа́щих и повсю́ду, правосла́вных.

Ещё мо́лимся о ми́лости, жи́зни, ми́ре, здра́вии, спасе́нии, посеще́нии, прощё́нии и оставле́нии грехо́в рабо́в Бо́жиих, бр́атии свята́го хра́ма сего́ (аще во обители: святы́я обители сея́).

Ещё мо́лимся о плодонося́щих и добродёющих во свята́м и всечестна́м хра́ме сем, тружда́ющихся, пою́щих и предстоя́щих лю́дех, ожида́ющих от Тебе́ вели́кия и богáтыя ми́лости.

ОБ ОГЛАШЕННЫХ

Помолі́тесь, оглаше́ннии, Го́сподеви.
Вѣрни, о оглаше́нных помóлимся,
да Го́сподь поми́луе их.

Огласи́т их сло́вом істины.

Откры́ет им Ева́нгелие пра́вды.

Соедини́т их святѣй Своѣй собо́рней
и апо́стольстей Це́ркви.

Спаси́, поми́луй, заступи́ и сохрани́
их, Бо́же, Твоѣю благода́тию.

Оглаше́ннии, главы ва́ша Го́сподеви
приклоні́те.

(ОТ СРЕДЫ СРЕДОПОСТНОЙ)

Ели́цы оглаше́ннии, изыди́те,
оглаше́ннии изыди́те, —→

Ели́цы ко просвещѣ́нию, изыди́те.
Помолі́тесь іже ко просвещѣ́нию.

Вѣрни, о іже ко свято́му про-
свещѣ́нию гото́вящихся бра́тиях и
спасѣ́нии их, Го́споду помóлимся.

Яко да Го́сподь Бог наш утверди́т их и
укрепи́т.

Просветит их просвещением разума и благочестия.

Сподобит их во время благопотребно бани пакибытия, оставления грехов и одежды нетления.

Породит их водою и Духом.

Дарует им совершение веры.

Сопричтет их святому Своему и избранному стаду.

Спаси, помилуй, заступи и сохрани их, Боже, Твоею благодатию.

Иже ко просвещению, главы ваша Господеви приклоните.

Елицы ко просвещению, изыдите, иже ко просвещению, изыдите,

—→ елицы оглашени, изыдите.

Да никто от оглашенных, елицы вернии, паки и паки миром Господу помолимся.

Заступи, спаси, помилуй и сохрани нас, Боже, Твоею благодатию.

Премудрость.

**Па́ки и па́ки, ми́ром Го́споду по-
мо́лимся.**

**О свы́шнем ми́ре и спасе́нии душ
на́ших, Го́споду помóлимся.**

**О ми́ре всегó ми́ра, благостоя́нии
святы́х Бо́жиих церквёй и соедине́нии
всех, Го́споду помóлимся.**

**О святе́м хра́ме сем и с ве́рою,
благоговéнием и стра́хом Бо́жиим
входя́щих в онь, Го́споду помóлимся.**

**О избáвиться нам от вся́кия скóрби,
гне́ва и ну́жды, Го́споду помóлимся.**

**Заступи́, спаси́, помíлуй и сохрани́ нас,
Бо́же, Твоéю благода́тию.**

Премúдрость.

ДИАЛОГ

Свящ.: **Ныне силы небесныя...**

**Верою и любовью приступим, да
причастницы жизни вечныя будем!**

ИСПОЛНИМ ВЕЧЕРНЮЮ молитву нашу
Господеви.

О предложенных и Преждеосвященных
Честных Дарех, Господу помолимся.

Яко да человеколюбец Бог наш, прием
я во святый и пренебесный и
мысленный Свой жертвенник, в воню
благоухания духовнаго, возниспослет
нам Божественную благодать и дар
Святаго Духа, помолимся.

О избавитися нам от всякия скорби,
гнева и нужды, Господу помолимся.

Заступи, спаси, помилуй и сохрани нас,
Боже, Твоею благодатию.

Вечера всего совершенна, свята, мирна
и безгрешна, у Господа просим.

Ангела мирна, верна наставника, хранителя
душ и телес наших, у Господа
просим.

Прощения и оставления грехов и прегрешений наших, у Господа просим.

Добрых и полезных душам нашим, и мира миру, у Господа просим.

Прочее время живота нашего в мире и покаянии скончати, у Господа просим.

Христианския кончины живота нашего, безболезнены, непостыдны, мирны, и добраго ответа на страшнем судищи Христове просим.

Соединение веры и причастие Святаго Духа испросивше, сами себе, и друг друга, и весь живот наш Христу Богу предадим.

Главы наша Господеви приклоним.

ПО СВЯТОМ ПРИЧАЩЕНИИ:

Благодарим Тя, Спаси всех Бога, о всех, ихже подал еси нам благих, и о причастии святаго Тела и Крове Христа Твоего, и молим Ти ся, Владыко Чело-

веколю́бче: сохрани́ нас под кро́вом
крилу́ Твоёю, и да́ждь нам да́же до
после́дняго на́шего издыха́-ния,
достóйне причаща́тся святы́нь Твои́х,
в просвеще́ние душі́ и те́ла, в Ца́рства
Небе́снаго насле́дие.

Воскресе́ние Христо́во ви́девше...;
Свети́ся, свети́ся, но́вый Иерусали́ме...
О Па́сха ве́лия и священнейшая...

Прóсти при́ймше Божество́нных,
святы́х, пречи́стых, безсме́ртных,
небе́сных и животворя́щих, стра́шных
Христо́вых Та́ин, достóйно благодарим
Го́спода.

Заступи́, спаси́, помилуй и сохрани́ нас,
Бо́же, Твоёю благода́тию.

Ве́чера всего́ соверше́нна, свята́,
ми́рна и безгре́шна испроси́вше, са́ми
себе́ и друг дру́га, и весь живóт наш
Христу́ Бо́гу преда́дим.

Ныне отпускаеши раба Твоего, Владыко, по глаголу Твоему с миром: яко видеста очи мои спасение Твое, еже еси уготовал пред лицом всех людей, Свет во откровение языков, и славу людей Твоих Израиля.

Трисвятое; Слава и ныне;

Пресвятая Троице, помилуй нас, Господи, очисти грехи наша, Владыко, прости беззакония наша, Святой, посети и исцели немощи наша, имене Твоего ради.

Господи, помилуй. (3). Слава, и ныне.

Отче наш...

СВ. ГРИГОРИЯ: Ёже от Бóга свýше Божéственную благодáть восприём, слáвне Григóрие, и Тогó сýлою укрепляемь, евáнгельски шéствовати извóлил есý. Отонýдуже у Христá возмéздие трудóв приял есý, всеблажённе: Егóже молý, да спасёт дýши нáша.

Слава; Подобоначальник показáлся есѣ Начальника пáстырем Христá, иноков чреды, óтче Григóрие, ко оградѣ небéсней наставляя, и оттúду научѣл есѣ стадо Христóво заповедем Его: ныне же с нѣми радуешися, и ликúеши в небéсных крóвех.

Гóсподи, помѣлуй, 12.

Честнѣйшую:

Слáва, и ныне:

((Высóко)преосвященнейший Владыко,) **благословѣ.**

МНОГОЛЕТНЕ КРАТКОЕ

Великому Господину и Отцу нашему Кириллу, Святѣйшему Патриáрху Москóвскому и всея Русѣ настоятелю с брáтиєю и прихожанами святаго хра́ма сегó и всем правослáвным христиáном — МНÓГАЯ ЛÉТА!

МНОГОЛЕТИЕ

Великому Господину и Отцу нашему Кириллу, Святѣйшему Патриарху Московскому и всея Русі, (и Господіну нашему (высоко)преосвященнейшему (*имя*), митрополіту (архи-епископу *или* епископу (*его епархи-альный титул*), с богоспасаемою его (*их*) паствою — **МНО́ГЯ ЛѐТА!**

Богохранимей стране нашей Российстей, воаstem, воинству и народу ея — **МНОГАЯ ЛЕТА!**

Сему освященному собору, Всечестному отцу настоятелю, братии и прихожаном святаго храма сего, благоукрасителям, благотворителям, всем zde предстоящим и молящимся и всем правосла́вным христиа́ном — **МНО́ГЯ ЛѐТА!**

ПРОКИМНЫ ВЕЛИКИЕ

глас 7

Кто Бог велий, яко Бог наш? /

Ты еси Бог, творяй чудеса.

Стих: Сказал еси в людех силу Твою.

Стих: И рех: ныне начах, сия измена десницы Вышняго.

Стих: Помянух дела Господня, яко помяну от начала чудеса Твоя.

глас 7:

Бог наш на Небеси и на земли, /
вся, елика восхотел, сотвори.

Стих: Во исходе Израилеве от Египта,
дому Иаковля из людей варвар,
бысть Иудея святыня Его, Израиль
область Его.

Стих: Море виде и побеже, Иордан
возвратися вспять.

Стих: Что ти есть, море, яко побегло
еси? И тебе, Иордане, яко
возвратился еси вспять?

Глас 8:

Не отврати лица Твоего
от отрока Твоего, яко скорблю, /
скоро услыши мя:
вонми души моей, и избави ю.

Стих: Спасение Твое Боже да
приимет мя.

Стих: Да узрят нищии, и
возвеселятся.

Стих: Взыщите Бога, и жива будет
душа ваша.

Глас 8:

Дал еси достояние /
боящимся Тебѣ Господи

Стих: От конец земли к Тебѣ возвах.

Стих: Покрыюся в крове крил Твоих.

Стих: Тако воспою Имени Твоему во
веки.

ВЕЛИЧАНИЯ И ЗАПЕВЫ ПРАЗДНИКОВ

РОЖДЕСТВО БОГОРОДИЦЫ:

Величаем Тя, Пресвятая Дево, и чтим святых Твоих родителей, и всеславное славим рождество Твое.

Запев: Величай, душе моя, преславное рождество Божия Матере.

ПОКРОВ БОГОРОДИЦЫ

Величаем Тя, Пресвятая Дево, и чтим покров Твой честный, Тя бо виде святой Андрей на воздусе, за ны Христу молящуюся.

АРХАНГЕЛА МИХАИЛА:

Величаем вас, Архангели и Ангели, и вся Воинства, Херувими и Серафими, славящия Господа.

ВВЕДЕНИЕ БОГОРОДИЦЫ ВО ХРАМ:

Величаем Тя, Пресвятая Дево, Богоизбранная Отроковице, и чтим еже в Храм Господень вхождение Твое.

Запев: Ангели вхождение Пречистыя зряще, удивишася, како Дева вниде во Святая Святых.

РОЖДЕСТВО ХРИСТОВО:

Величаем Тя, Живодавче Христе, нас ради ныне плотию Рождшагося от Безневестныя и Пречистыя Девы Марии.

Запев: Величай, душе моя, Честнейшую и Славнейшую горних Воинств Деву Пречистую Богородицу.

Входный: Из чрева прежде денницы родих Тя, клятсся Господь и не раскается. Ты иерей во век по чину Мелхиседекову.

ОБРЕЗАНИЕ:

Запев: Величай, душе моя, по закону плотию обрезавшегося Господа.

БОГОЯВЛЕНИЕ:

Величаем Тя, Живодавче Христе, нас ради плотию крестившагося от Иоанна в водах Иорданских.

Запев: Величай, душе моя,
Честнейшую и Славнейшую горних
Воинств Деву Пречистую Богородицу.

Входный: Благословен Грядый во
имя Господне, благословихом вы из
дому Господня; Бог Гоподь и явися
нам.

ТРИЕХ СВЯТИТЕЛЕЙ

Запев: Величай, душе моя, Честней-
шую и Славнейшую горних Воинств
Деву Пречистую Богородицу.

СРЕТЕНИЕ ГОСПОДНЕ:

Величаем Тя, Живодавче Христе, и
чтим Пречистую Матерь Твою, Ею же
по закону ныне принеслся еси в Храм
Господень.

Запев: Богородице Дево, Упование
христианом, покрый, соблюди и
спаси на Тя уповающих.

Входный: Сказа Господь спасение
Свое, пред языки откры правду Свою.

БЛАГОВЕЩЕНИЕ:

Архангельский глас вопием Ти,
Чистая. Радуйся, Благодатная,
Господь с Тобою.

Запев: Благовестуй, земле радость
велию, хвалите, Небеса, Божию
Славу.

РОЖДЕСТВО ИОАННА ПРЕДТЕЧИ:

Величаем Тя, Предтече Спасов
Иоанне, и чтим еже от неплодове
преславное рождество Твое.

ПРЕОБРАЖЕНИЕ ГОСПДНЕ:

Величаем Тя, Живодавче Христе, и
почитаем Пречистыя Плоти Твоя
преславное преобразование.

Запев: Величай, душе моя, на Фаворе
преобразившагося Господа.

Входный: Господи, послы Свет Твой и
истину Твою, та мя настависта и
введоста мя в гору святую Твою.

УСПЕНИЕ БОГОРОДИЦЫ:

Величаем Тя, Пренепорочная Мати Христа Бога нашего, и всеславное славим усение Твое.

Запев: Ангели усение Пречистыя видевшие, удивишася, како Дева восходит от земли на небо.

УСЕКНОВЕНИЕ ГЛАВЫ ИОАННА КРЕСТИТЕЛЯ:

Величаем тя, Крестителю Спасов Иоанне, и почитаем вси честныя твоя главы усекновение.

НЕДЕЛЯ ВАИЙ:

Величаем Тя, Живодавче Христе, Осанна в вышних, и мы Тебе вопием: Благословен Грядый во имя Господне.

Входный: Благословен Грядый во имя Господне, благословихом вы из дому Господня, Бог Господь и явися нам.

ЛАЗАРЕВА СУББОТА:

Запев: Чистую славно почтим.
(Свят Господь Бог наш)

В НЕДЕЛЮ ПАСХИ:

Запев: Величит душа моя воскресшаго тридневно от гроба Христа Жизнодавца.

Входный: В церквах благословите Бога, Господа от источник Израилевых.

ВОЗНЕСЕНИЕ ГОСПОДНЕ:

Величаем Тя, Живодавче Христе, и почитаем еже на небеса с Пречистою Твоею плотию Божественное вознесение.

Запев: Величай, душе моя, вознесшагося от земли на небо Христа Жизнодавца

Входный: Взыде Бог в воскликновении, Господь во гласе трубнем.

ПЯТИДЕСЯТНИЦА:

Величаем Тя, Живодавче Христе, и чтим Всесвятаго Духа Твоего, Егоже от Отца послал еси Божественным учеником Твоим.

Запев: Апостоли сошествие Утешителя зряще, удивишася, како в виде огненных язык явился Дух Святой.

Входный: Вознесися, Господи, силою Твоею, воспоем и поем силы Твоя.

ДУХОВ ДЕНЬ:

Входный: Вознесися, Господи, силою Твоею, воспоем и поем силы Твоя.

ВСЕХ СВЯТЫХ (если храмовый):

Величаем вас, апостоли, мученицы и пророцы, и вси святии, и чтим святую память вашу, вы бо молите о нас Христа, Бога нашего.

ВСЕХ СВЯТЫХ ЦЕРКВИ РУССКОЙ:

Ублажаем вас, чудотворцы наши славнии, землю Русскую добродетельми вашими озарившии и образ спасения нам светоявленно показавшия.

ВОЗДВИЖЕНИЕ КРЕСТА:

Кондак : Вознесѣйся на Крест
волею, / тезоименитому Твоему
новому жителству, / щедроты Твоя
даруй, Христѣ Бѣже, / возвесели нас
силою Твоею, / победы дая нам на
сопостаты, / посѣбие имущим Твое
оружие мира, // непобедимую
побѣду.

**Величаем Тя, Живодавче Христе, и
чтим Крест Твой Святыи, имже нас
спасл еси от работы вражия.**

Прокимен: Видеша вси концы земли
спасение Бога нашего.

Стих: Воспойте Господеви песнь нову,
яко дивна сотвори Господь.

Запев: Величай, душе моя,
Пречестный Крест Господень.

Входный: Возносите Господа Бога
нашего и поклоняйтесь подножию
Ногу Его, яко свято есть.

ЧИН ВОЗДВИЖЕНИЯ:

Помілуй нас, Бóже, по вели́цей мі́лості Тво́ей, мо́лим Ти ся, услы́ши и помілуй, рцем вси.

Ещё мо́лимся о Богохрани́мей странé на́шей, властéх и во́инстве ея́, рцем вси.

Ещё мо́лимся о оставлénии грехóв Великого Господина и Отца нашего Кирилла, Святешаго Патриарха Московского и всея Руси, и всего о Христе братства нашего, о здра́вии и о спасéнии, рцем вси.

Ещё мо́лимся о всякой душі христи́анстей, скорбя́щей же и озло́бленней, здравия, спасения и оставления грехов трéбующей, рцем вси.

Ещё мо́лимся о всех служащих и служивших во святем храме сем, отцех и братиях наших, о здра́вии и спасеннии, и оставлении грехов их, рцем вси.

ПАНИХИДА:

Міром Гóсподу помóлимся

О свѣшнем міре и спасѣнии душ
наших, Гóсподу помóлимся.

О оставлѣнии согрешѣний, во
блажѣнной пáмяти престáвльшихся,
Гóсподу помóлимся.

НА ВЕЛИКОЙ ПАНИХИДЕ

О душáх всех от века в правоверии,
надежде воскресения и жизни вечная
усопших отцев и братьий наших, и
блаженных ктиторов и благодетелей
святаго храма (обители) сего, Гóсподу
помóлимся.

О приснопáмятных рабѣх Бóжиих
[имярек], покóя, тишины, блажѣнная
пáмяти их, Гóсподу помóлимся.

О простѣти им всякое прегрешѣние
вóльное и невóльное, Гóсподу
помóлимся.

О неосуждѣнным предстáти у
страшнаго престóла Гóспода слáвы,
Гóсподу помóлимся.

О плачущих и болѣзнующих, чающих Христовѣа утешѣния, Господу помолѣмся

О отпустѣтисѣ им от всякѣа болѣзни, печѣали, и въздыханѣя: и вселѣти их идѣже присещѣает свет лицѣа Божѣя, Господу помолѣмся.

О яко да Господѣь Бог наш учинѣт дѣуши их в мѣсте свѣтле, в мѣсте злѣчне, в мѣсте покѣйне, идѣже вси прѣведниѣ пребывѣают, Господу помолѣмся.

О причѣтѣнии их в нѣдрех Авраѣама, и Исаѣака, и Иѣкова, Господу помолѣмся.

О избѣавитисѣ нам от всякѣа скѣрби, гнѣва и нѣжды, Господу помолѣмся.

Заступѣи, спасѣи, помѣлуй и сохрани нас, Бѣже, Твоѣю благодѣтию.

Мѣлости Божѣя, Цѣрства Небѣснаго, и оставлѣния грехѣв испросѣвше тем и сѣми себѣ, друг дрѣга, и весь живѣт наш Христѣу Бѣгу предадѣм.

Глас 8: Аллилу́иа

Ст. 1: Блаже́ни, яже избра́л, и прия́л еси́, Го́споди.

Ст. 2: Па́мять их в род и род.

Ст. 3: Ду́ши их во благі́х водворя́тся.

ПРОШЕНИЯ НА СУГУБОЙ

НА ВСЯКОЕ ПРОШЕНИЕ

Еще молимся Тебе, Господу Богу нашему, еже услышати. гласу мольбы нашего и молитве, и помиловати рабов Твоих (раба Твоего, рабу Твою) (имя рек), благодатию и щедротами Твоими, и исполнити вся прошения их (его, ея) и простити им (ему, ей) вся согрешения вольная и невольная, благоприятным же быти мольбам и милостыням их (его, ея) пред престолом владычества Твоего, и покрыти их (его, ее) от всех врагов их видимых и невидимых, от всякой напасти, беды и скорби и недугов избавити, и подати здравие с долгоденствием, рцем вси, Господи, услыши и помилуй.

О еже милостивым оком призрети на Святую Свою Церковь и соблюсти ю невредиму и непреобориму от нестроений и миром Своим оградити, молимся Тебе, Спасителю наш, услыши и милостивно помилуй.

О еже примирити разделения среди народов Отечества нашего и силою Святаго Духа обратити всех на путь мира и братолюбия, рцем вси: милостивно услыши и помилуй.

Давый заповедь Твою нам, еже любити Тебе, Бога нашего и ближнего своего, сотвори, да ненависть, вражда, обиды и прочая беззакония прекратятся, истинная же любовь и мир Твой да царствуют среди народов Отечества нашего, молимся Тебе, Спасителю наш, услыши и милостивно помилуй

